



# **IZVJEŠTAJ O RADU ZA 2017. GODINU**

Sarajevo, januar 2018. godine

## Uvod

U skladu sa Zakonom o federalnim ministarstvima i drugim tijelima federalne uprave, Federalni zavod za programiranje razvoja vrši istraživačke, stručno analitičke i druge poslove iz nadležnosti Federacije koji se odnose na: programiranje razvoja, analizu faktora i mogućnosti privrednog razvoja i njihovu prezentaciju na domaćem i stranom tržištu; kreiranje strategije i programa razvoja i izradu mjera razvojne i ekonomske politike; analizu i programiranje unapređivanja strukturnih odnosa u privrednom i društvenom razvoju; programiranje korištenja, valorizacije i zaštite prirodnih resursa i mjera za njihovo ostvarivanje; izradu makro-ekonomskih bilansa, proporcija i globalnih agregata rasta; izradu materijalnih bilansa zemlje; analiziranje odnosa u oblasti raspodjele, koncipiranje programa naučno-istraživačkog rada od značaja za privredni razvoj i ekonomsku politiku; programiranje razvoja društvenih djelatnosti u skladu sa strategijom privrednog razvoja; regionalni i lokalni razvoj i sistem njegovog podsticanja i saradnju sa institucijama koje se bave pitanjima razvoja u zemlji i inozemstvu.

Za obavljanje poslova i zadataka iz djelokruga Zavoda, unutrašnja organizacija podijeljena je u tri osnovne organizacione jedinice i to:

1. Sektor za analizu ekonomskog, regionalnog i socijalnog razvoja,
2. Sektor za razvojno planiranje i
3. Sektor za opće i zajedničke poslove.

Osnovni strateški cilj Federalnog zavoda za programiranje razvoja je unapređivati postojeći sistem izrade makroekonomskih, analitičkih i razvojnih dokumenata. U okviru ovako zacrtanog strateškog cilja utvrđena su tri operativna cilja na kojima se radilo u 2017. godini:

- Izrada stručno – analitičkih dokumenata,
- Izrada plansko – izvještajnih dokumenata i
- Izrada internih dokumenata Zavoda i administrativno – tehnički poslovi.

U 2017. godini, Federalni zavod za programiranje razvoja je na osnovu dostupnih pokazatelja o ekonomskim i socijalnim kretanjima u FBiH pripremio dokument „Ekonomska politika Vlade FBiH za period 2017. - 2019. godina“. U ovom dokumentu koji je urađen u skladu sa članom 17. Zakona o budžetima u Federaciji Bosne i Hercegovine, detaljno su analizirana makroekonomska kretanja u okruženju i FBiH, date projekcije makroekonomskih indikatora, javnih prihoda, rashoda i javnog duga, smjernice fiskalne politike koja će se provoditi u periodu 2017. - 2019. godine i precizirane su politike koje je neophodno provesti u trogodišnjem periodu kako bi se implementirali zacrtani ciljevi.

Već nekoliko godina zaredom Zavod priprema „Analizu poslovanja preduzeća u FBiH“ kao dokument u kome se vrši analiza ključnih finansijskih obilježja poslovanja preduzeća, trendova i dinamike rezultata uspješnosti poslovanja preduzeća

(privrednih subjekata) po područjima ekonomske aktivnosti, analiza finansijskog stanja i performansi poslovanja preduzeća, te se daju preporuke sa ciljem unapređenja poslovanja i jačanja konkurentnosti preduzeća u FBiH. Ovaj dokument se radi na osnovu dostupnih podataka Finansijsko- informatičke agencije (FIA) koja rukovodi i raspolaže bazama finansijskih podataka i registrima finansijskih izvještaja pravnih subjekata koji se koriste za donošenje budućih poslovnih i makroekonomskih odluka. Kako Finansijsko-informatička agencija (FIA) nije dostavila podatke o poslovanju privrednih subjekata u 2016. godini, Zavod nije bio u mogućnosti da izradi Analizu poslovanja preduzeća u FBiH.

Na osnovu kontinuiranog praćenja i obrade statističkih podataka po općinama i kantonima u Federaciji Bosne i Hercegovine, Zavod je uradio analize uslova i mogućnosti razvoja lokalnih zajednica i kantona („Makroekonomski pokazatelji FBiH po kantonima“ i „Socio-ekonomski pokazatelji FBiH po općinama“) sa nivoom razvijenosti. U ovim dokumentima se na osnovu zbirnog indeksa utvrđuje nivo i rang razvijenosti svake općine i kantona u FBiH.

S ciljem što efikasnijeg sistema praćenja razvoja, a u skladu sa evropskom praksom, Zavod od 2011. godine radi Izvještaj o razvoju FBiH sa ciljem praćenja i analize stepena društveno-ekonomskog razvoja i strukturnih izazova u ekonomiji Federacije Bosne i Hercegovine. Ovaj dokument koncipiran na način da predstavlja jedan cjelovit pregled aktuelne situacije i trendova, služi vladama u Federaciji Bosne i Hercegovine kao putokaz u reformskim procesima u narednom periodu. Izvještaj se zasniva na relevantnim statističkim podacima publikovanim od strane nadležnih federalnih, državnih i međunarodnih institucija, kao i na različitim publikacijama, istraživanjima i analizama. Izvještaj o razvoju se sastoji od pregleda provedbe strateških prioriteta, detaljnog izvještaja o napretku pojedinih indikatora razvoja Federacije BiH sa precizno navedenim razlozima za probleme u pojedinim ekonomskim sektorima. Dokument, takođe, sadrži i preporuke koje bi svi odgovorni subjekti u FBiH trebali uraditi, kako bi se poboljšalo stanje u privredi i vanprivredi FBiH.

Izrada ovog značajnog dokumenta kojim se sagledavaju rezultati u ostvarivanju razvojnih ciljeva i implementaciji strateških dokumenata, regulisana je i Zakonom o razvojnom planiranju i upravljanju razvojem u FBiH koji je usvojen 28.04.2017. godine („Sl. novine br. 32/17).

U 2017. godini donešen je Zakon o razvojnom planiranju i upravljanju razvojem u FBiH, što je izuzetno važan normativni akt koji će doprinijeti kvalitetnijoj izradi i implementaciji strateških dokumenata. Ovaj Zakon uspostavlja horizontalnu i vertikalnu koordinaciju planiranja razvoja u Federaciji. Aktivnosti oko koordinacije do sada su bile jako loše ili nepostojeće i u tom smislu ovaj zakon predviđa i uspostavljanje određenih tijela, koja će se baviti razvojem na nivou kantona, Federacije i jedinica lokalne samouprave. Zavod postaje jedna od ključnih institucija u procesu razvojnog planiranja i upravljanja razvojem. Članom 6. navedenog Zakona, definisana je uloga Zavoda u tom procesu.

Zakon takođe propisuje donošenje nekoliko podzakonskih propisa, te je u vezi s tim, u 2017. godini, u saradnji sa UNDP–om Zavod je započeo aktivnosti na izradi četiri podzakonska akta na osnovu navedenog Zakona (između ostalog i Uredbe o indeksu razvoja u FBiH). Urađena je radna verzija ove Uredbe, a njeno donošenje je planirano u 2018. godini.

Dokumentima „Konkurentnost BiH“ i „Lakoća poslovanja u BiH“ je pokazano kako nas drugi vide (Svjetski ekonomski forum, Svjetska banka) i koji su problemi FBiH i BiH u funkcionisanju privrednog i ekonomskog sistema. Ovim analizama je ukazano na oblasti poslovanja na koje bi institucije BiH i FBiH trebale da obrate posebnu pažnju i prilikom planiranja redovnih aktivnosti, planiraju i aktivnosti koje će dovesti do poboljšanja poslovnog ambijenta, lakšeg poslovanja privrednih subjekata, poboljšanja konkurentnosti domaće privrede i ekonomskog razvoja Federacije Bosne i Hercegovine.

U 2017. godini, Zavod je uradio Program ekonomskih reformi FBiH (ERP FBiH) za period 2017. – 2019. godine. Kako je Bosna i Hercegovina, kao zemlja potencijalni kandidat za članstvo u EU, obavezna izraditi Program ekonomskih reformi i dostaviti ga Evropskoj komisiji, Zavod je Odlukom Vlade FBiH broj 1192/2016 određen da bude nosilac aktivnosti za izradu Programa ekonomskih reformi za Federaciju BiH. Ovaj dokument sadrži srednjoročni makroekonomski okvir i okvir fiskalne politike, uključujući i fiskalne mjere, identifikaciju ključnih prepreka konkurentnosti i inkluzivnom rastu, kao i sveobuhvatan program strukturalnih reformi koje se trebaju provesti u cilju poboljšanja rasta i konkurentnosti zemlje. Ovako pripremljen dokument predstavlja integralni dio Programa ekonomskih reformi Bosne i Hercegovine, odnosno reformskih napora koje BiH čini na putu prema Evropskoj Uniji.

U izvještajnom periodu, Zavod je nastavio aktivnosti koordinatora u pripremi programa i izvještaja o radu Vlade FBiH (Izvještaj o radu Vlade FBiH za 2016. godinu, Program rada Vlade FBiH za 2017. godinu) i stalno bio na dispoziciji Vladi FBiH na pripremi i drugih, ad hock informacija i dokumenata koji se odnose na analize i prikaze ekonomskog stanja u pojedinim segmentima i regionima u Federaciji BiH.

Na osnovu Odluke o sistemu koordinacije procesa evropskih integracija u Bosni i Hercegovini ("Službeni glasnik BiH", broj 72/16), uspostavljene su Radne grupe za političke i ekonomske kriterije, te Radna grupa za reformu javne uprave, s ciljem davanja odgovora i popunjavanja Upitnika Evropske komisije. Zavod je koordinirao radom na usaglašavanju odgovora na 74 pitanja iz Upitnika koja se odnose na ekonomske kriterije svih nivoa vlasti i finalizaciju Upitnika Evropske komisije za poglavlje Ekonomski kriteriji u jednu cjelinu.

## Pregled realizacije aktivnosti po strateškim i operativnim ciljevima

<b>Strateški cilj 1: Unapređivati postojeći sistem izrade makroekonomskih, analitičkih i razvojnih dokumenata</b>					
<b>Doprinos ostvarenju strateških ciljeva</b>		Doprinos kvalitetnijem radu Vlade FBiH.			
<b>Mjere učinka za krajnje rezultate</b> <i>(preuzeti iz trogodišnjeg tj. godišnjeg plana)</i>		<b>Očekivani godišnji rezultat</b> <i>(preuzeti iz trogodišnjeg tj. godišnjeg plana)</i>	<b>Realizovani rezultat</b>	<b>Obrazloženje</b>	
Kvalitetniji dokumenti Zavoda kao pretpostavka za veći doprinos radu Vlade FBiH		10	8		
<b>Operativni cilj 1.1: Izrada stručno - analitičkih dokumenata</b>					
<b>Doprinos ostvarenju operativnih ciljeva</b>		Omogućiti Vladi FBiH bolju analitičku podlogu za donošenje odluka.			
<b>Mjere učinka za izlazne (direktne) rezultate</b> <i>(preuzeti iz trogodišnjeg tj. godišnjeg plana)</i>		<b>Očekivani godišnji rezultat</b> <i>(preuzeti iz trogodišnjeg tj. godišnjeg plana)</i>	<b>Realizovani rezultat</b>	<b>Obrazloženje</b>	
Urađeni dokumenti i dostavljeni Vladi FBiH i federalnim ministarstvima		8	6	Zavod je započeo aktivnosti izrade četiri podzakonska akta iz Zakona o razvojnom planiranju i upravljanju razvojem u FBiH (između ostalog i Uredbe o indeksu razvoja u FBiH), te je donošenje ove Uredbe prolongirano za 2018. godinu.	
<b>Realizacija aktivnosti</b>					
<b>Redni broj</b>	<b>Naziv aktivnosti</b>	<b>Nositelj</b> <i>(najmanji organizacioni dio)</i>	<b>Procenat izvršenja</b>	<b>Za neizvršeno, ili djelimično izvršeno, ukazati na razloge</b>	<b>Vlada FBiH usvojila</b> <i>(Da/Ne)</i>
1.1.1.	Mjesečni pregled indikatora razvoja	Sektor za analizu ekonomskog, regionalnog i socijalnog razvoja	100%		Ne <sup>1</sup>
1.1.2.	Izrada dokumenta Ekonomska politika Vlade 2016-2018	Sektor za analizu ekonomskog, regionalnog i socijalnog razvoja	100%		Da
1.1.3.	Izrada Analize finansijskih rezultata poslovanja privrednih subjekata za 2016. godinu	Sektor za analizu ekonomskog, regionalnog i socijalnog razvoja	0	FIA Zavodu nije dostavila podatke o poslovanju privrednih subjekata u FBiH za 2016. godinu.	Da
1.1.4.	Makroekonomski pokazatelji FBiH po kantonima 2016.	Sektor za analizu ekonomskog, regionalnog	100%		Ne

<sup>1</sup> Aktivnosti 1.1.4, 1.1.5. ne usvaja Vlada FBiH, ali se dostavljaju federalnim ministarstvima.

		i socijalnog razvoja			
1.1.5.	Socio-ekonomski pokazatelji FBiH po općinama 2016.	Sektor za analizu ekonomskog, regionalnog i socijalnog razvoja	100%		Ne
1.1.6.	Izrada dokumenta: Konkurentnost BiH	Sektor za analizu ekonomskog, regionalnog i socijalnog razvoja	100%		Da
1.1.7.	Izrada dokumenta: Lakoća poslovanja u BiH	Sektor za analizu ekonomskog, regionalnog i socijalnog razvoja	100%		Da
1.1.8.	Izrada dokumenta: Program ekonomskih reformi FBiH (ERP FBiH)	Sektor za analizu ekonomskog, regionalnog i socijalnog razvoja	100%		Da
1.1.9.	Priprema Uredbe o indeksu razvoja u FBiH	Sektor za analizu ekonomskog, regionalnog i socijalnog razvoja i Sektor za opće i zajedničke poslove	0%	Priprema i donošenje ovog propisa definisana je Zakonom o razvojnom planiranju i upravljanju razvojem u FBiH ("Službene novine Federacije BiH", broj 32/17). U 2017. godini, u saradnji sa UNDP–om Zavod je započeo aktivnosti izrade četiri podzakonska akta iz navedenog Zakona (između ostalog i Uredbe o indeksu razvoja u FBiH), te je zbog kratkog roka poslije donošenja Zakona, donošenje ove Uredbe prolongirano za 2018. godinu.	Da
<b>Operativni cilj 1.2: Izrada plansko - izvještajnih dokumenata</b>					
<b>Doprinos ostvarenju operativnih ciljeva</b>		Kvalitetniji izvještaji o radu i programi rada Vlade FBiH			
<b>Mjere učinka za izlazne (direktne) rezultate (preuzeti iz trogodišnjeg tj. godišnjeg plana)</b>		<b>Očekivani godišnji rezultat (preuzeti iz trogodišnjeg tj. godišnjeg plana)</b>	<b>Realizovani rezultat</b>	<b>Obrazloženje</b>	
Urađeni dokumenti i dostavljeni Vladi FBiH i federalnim ministarstvima		3	3		
<b>Realizacija aktivnosti</b>					
<b>Redni broj</b>	<b>Naziv aktivnosti</b>	<b>Nositelj (najmanji organizacioni dio)</b>	<b>Procenat izvršenja</b>	<b>Za neizvršeno, ili djelimično izvršeno, ukazati na razloge</b>	<b>Vlada FBiH usvojila (Da/Ne)</b>
1.2.1.	Program rada Vlade FBiH za 2017. godinu	Sektor za razvojno planiranje	100%		Da
1.2.2.	Izvještaj o radu Vlade FBiH za 2016. godinu	Sektor za razvojno planiranje	100%		Da
1.2.3.	Izvještaj o razvoju FBiH za 2016. godinu	Sektor za razvojno	100%		Ne <sup>2</sup>

<sup>2</sup> Postavlja se na web stranicu Zavoda, po potrebi se dostavlja federalnim ministarstvima i Vladi FBiH.

		planiranje			
<b>Operativni cilj 1.3.: Izrada internih dokumenata Zavoda i administrativno – tehnički poslovi</b>					
<b>Doprinos ostvarenju operativnih ciljeva</b>		Doprinos kvalitetnijem radu Zavoda.			
<b>Mjere učinka za izlazne (direktne) rezultate</b> <i>(preuzeti iz trogodišnjeg tj. godišnjeg plana)</i>	<b>Očekivani godišnji rezultat</b> <i>(preuzeti iz trogodišnjeg tj. godišnjeg plana)</i>	<b>Realizovani rezultat</b>	<b>Obrazloženje</b>		
Urađeni dokumenti (1.3.1 i, 1.3.2) i dostavljeni Vladi FBiH	2	2			
Donešeni dokumenti zavoda, (1.3.3)	1	1			
Redovno se ažurira baza podataka Zavoda	1	1			
<b>Realizacija aktivnosti</b>					
<b>Redni broj</b>	<b>Naziv aktivnosti</b>	<b>Nositelj</b> <i>(najmanji organizacioni dio)</i>	<b>Procenat izvršenja</b>	<b>Za neizvršeno, ili djelimično izvršeno, ukazati na razloge</b>	<b>Vlada FBiH usvojila</b> <i>(Da/Ne)</i>
1.3.1.	Izraditi Izvještaj o radu Zavoda za 2016. godinu	Sektor za opće i zajedničke poslove	100%		Da
1.3.2.	Izraditi Plan rada Zavoda za 2017. godinu	Sektor za opće i zajedničke poslove	100%		Da
1.3.3.	Izraditi Trogodišnji plan rada Zavoda 2018-2020.	Sektor za opće i zajedničke poslove	100%		Ne
1.3.4.	Redovno ažuriranje baze podataka indikatora razvoja	Sektor za analizu ekonomskog, regionalnog i socijalnog razvoja	100%		Ne

### Pregled ukupnog procenta izvršenja po strateškim i operativnim ciljevima

Naziv cilja	Izvršeno u odnosu na planirano (%)	Utrošeno sredstava u odnosu na planirano (%)
Strateški cilj 1: Unapređivati postojeći sistem izrade makroekonomskih, analitičkih i razvojnih dokumenata		
Operativni cilj 1.1: Izrada stručno - analitičkih dokumenata	78	78
Operativni cilj 1.2: Izrada plansko - izvještajnih dokumenata	100	100
Operativni cilj 1.3 Izrada internih dokumenata Zavoda i administrativno – tehnički poslovi	100	100
Sveukupno za Federalni zavod za programiranje razvoja	93	93

Napomena:

Od aktivnosti koje nisu bile planirane u Godišnjem planu rada Zavoda za 2017. godinu, a urađene su u 2017. godini izdvajamo:

- Odgovori na Upitnik Evropske komisije za poglavlje Ekonomski kriteriji;
- Plava knjiga - novi model razvoja FBiH – Fiskalna devalvacija u funkciji uklanjanja unutarnjih i vanjskoekonomskih neravnoteža;
- Analiza efekata Zakona o doprinosima i Zakon o porezu na dohodak,
- Komentari i mišljenje na Nacrt strategije zapošljavanja FBiH 2017-2020;
- Informacija o Revidiranom Programu rada Vlade FBH za 2017. godinu
- Pregled važećih strateških dokumenata u FBiH za Direkciju za ekonomsko planiranje za bazu podataka o aktuelnim strategijama u BiH;
- Dostavljanje podataka i popunjavanje baze podataka koju vodi OECD-SIGMA za stanje u javnoj upravi - Reforma javne uprave u BiH;

Pored navedenog, u 2017. godini uposlenici Zavoda su uzeli učešća u raspravama i radnim grupama za izradu važnih razvojnih dokumenata u FBiH:

- Radna grupa za izradu Strategije metalnog i elektro sektora. Tokom 2017. godine održan je niz radnih sastanaka Radne grupe (koordinacionog tima) sa ciljem finaliziranja Strategije;



- Radna grupa za koordinaciju aktivnosti na unaprijeđenju indikatora konkurentnosti i poslovnog okruženja. Održana su tri radno - konsultativna sastanka, na kojem su definisane smjernice rada, odabrani indikatori za analizu koji će biti predmet poboljšanja kroz dalje aktivnosti radne grupe, te predloženi zaključci sa definisanim potencijalnim zaduženjima;
- Koordiniranje procesa popunjavanja upitnika OECD-a za potrebe izrade izvještaja o Konkurentnosti u Jugoistočnoj Evropi 2018. Održano je niz radno konsultativnih sastanaka (Pariz i Sarajevo);
- Radna grupa za izradu Sektorskog planskog dokumenta za oblast okoliša u kontekstu IPA II programiranja;
- Radna grupa za izradu Sektorskog planskog dokumenta Bosna i Hercegovina – „Konkurentnost i Inovacije: Razvojna strategija 2018 - 2010“;
- Radna grupa za izradu metodologije za utvrđivanje i usklađivanje minimalnih plata u Federaciji BiH;
- Radna grupa za Poglavlje 22 „Regionalna politika i koordinacija strukturalnih elemenata u sistemu koordinacije procesa evropskih integracija u BiH“;
- Članstvo u Koordinacijskom odboru programa IPA II;
- Učešće u radno konsultativni sastancima sa praktičarima koji se bave strateškim i operativnim planiranjem u jedinicama lokalne samouprave i kantonima;
- Učešće u radnim sastancima implementacionih timova i Projekta jačanje kapaciteta za strateško planiranje i razvoj javnih politika- faza II (SPPD II);

Značajnu pažnju u 2017. godini, Zavod je posvećivao i edukaciji kadrova. Zaposleni Zavoda prisustvovali su slijedećim tematskim seminarima, redovnim edukacijama, obukama i konferencijama:

- Obuka na temu „Izrada i provedba planova integriteta u FBiH“ u organizaciji Antikorupcijskog tima Vlade FBiH;
- Trening za prevenciju korupcije za predstavnike FBiH u organizaciji APIK-a;
- Sistem upravljanja antikorupcijom prema zahtjevima norme ISO 3700 u organizaciji ADS-a;
- Obuke u sklopu projekta „Unaprjeđenje procesa analize potreba i evaluacije efekata“, 1. Politika razvoja osoblja i 2. Analiza potreba i evaluacija efekata obuke u organizaciji Ureda koordinatora za reformu javne uprave;
- Osnovna obuka o procjeni uticaja propisa na korupciju - koruptivni rizici u organizaciji APIK-a;
- Uspostavljanje i jačanje kapaciteta institucija za kontrolu propisa i uspostavljanja sistema redukcije administrativnih prepreka u organizaciji Fonda za reformu javne uprave;

- Seminar na temu „Finansijsko upravljanje i kontrola - FUK“ u organizaciji Agencije za državnu službu FBiH;
- Seminar na temu „Kako ostvariti efikasan mehanizam koordinacije evropskih poslova: Iskustva Kraljevine Belgije u organizaciji Direkcije za evropske integracije;
- Trening na temu „Rapid Integration Assessment – Brza integrirana procjena“ u sklopu podrške za implementaciju Ciljeva održivog razvoja (SDGs) u organizaciji UNDP BiH;
- Obuka državnih službenika (članova radne grupe) sa ciljem sticanja znanja i vještina neophodnih za dizajn i razvoj Sektorskog planskog dokumenta u okviru IPA II za oblast okoliša, u organizaciji Direkcije za ekonomsko planiranje, odnosno Ureda državnog IPA koordinatora;
- Obuka na temu „Measure BiH - monitoring i evaluacija, metodološki okviri“ u organizaciji USAID-a;
- Obuka na temu „Jačanje ljudskih kapaciteta u industriji turizma - Omotenashi – Japan“ u organizaciji JICA;
- Obuka na temu „Izrada budžeta i budžetska disciplina“ u organizaciji Agencije za državnu službu FBiH;
- Obuka na temu „Revizija finansijskih izvještaja i planiranja poslovanja“ u organizaciji Agencije za državnu službu FBiH;
- Obuka na temu „Regionalna politika EU“ u organizaciji Direkcije za evropske integracije;
- Obuka na temu „ Vidovi i načini pisanog komuniciranja sa EU“ u organizaciji Agencije za državnu službu FBiH;
- Obuka na temu „ Ekonomska politika EU“ u organizaciji Direkcije za evropske integracije;
- Učešće u radionici koju je organizovala Direkcija za ekonomsko planiranje uz asistenciju OECD-a u procesu koordinacije izrade Programa ekonomskih reformi BiH za 2018.-2020. godinu;
- Učešće u TAIEX radionici koju je organizirala Direkcija za ekonomsko planiranje BiH i Evropska komisija u cilju poboljšanja pripreme Programa ekonomskih reformi (ERP) 2018.-2020. godina;
- „Druga ATTRACTIVE DANUBE B&H radionica“ u organizaciji Federalnog ministarstva prostornog uređenja, a u sklopu projekta „Jačanje kapaciteta za unapređenje teritorijalne atraktivnosti Dunavske regije 2017-2019“;
- Učešće u radionici „ISEI i Upitnik EK“ u organizaciji Direkcije za evropske integracije;
- Učešće u radionici Radne grupe za Poglavlje 22 „Regionalna politika i koordinacija strukturalnih elemenata u sistemu koordinacije procesa evropskih integracija u BiH“ u organizaciji Direkcije za evropske integracije;
- Učešće u radionici „Upravljanje rezultatima IPA-e – Povezanost procesa programiranja/planiranja sa procesima monitoringa i evaluacije u okviru EU finansijskog instrumenta IPA II“ u organizaciji Direkcije za evropske integracije;
- Učešće na Ekonomskom forumu BiH, u organizaciji Ekonomskog fakulteta Univerziteta u Sarajevu;

- Prva međunarodna statistička konferencija – International Conference on Statistics (ICOS 2017) u organizaciji Federalnog zavoda za statistiku i Ekonomskog fakulteta u Sarajevu;
- Završna konferencija: Unapređenje rada na Nacionalnim zdravstvenim računima - Tehnička pomoć Svjetske zdravstvene organizacije;
- Javna debata „Unapređenje procesa razvoja socijalnog poduzetništva“ u organizaciji Fondacije za socijalno uključivanje u BiH (FSU u BiH), Inicijative za bolju i humaniju inkluziju (IBHI) i Koalicije marginalizovanih grupa u BiH „KOMA“;
- Okrugli sto na temu „Planiranje razvoja socijalnog poduzetništva – primjer Kantona Sarajevo“ u organizaciji Fondacije za socijalno uključivanje u BiH (FSU u BiH), Inicijative za bolju i humaniju inkluziju (IBHI) i Koalicije marginalizovanih grupa u BiH „KOMA“;